

Fontis bellaquei septimo kal. maji, divo Marco Reipublicæ tutelari dicata die, tertia mascula proles, cui Andegavum debebatur, accessit; idque per Sciampignium oratorem, qui antea Fraxineo successerat, Senatui significavit; Principemque, ut lustrali unda regio infanti abluendo adesset, invitavit.

1608
Henricus
Rex ad ter-
riogeniti
baptismum
Reipublicæ
invitat.

Dum vero Europa reliqua a belli laboribus conquiesceret, novi in Germania motus exorti, pene provinciæ illius pacem inturbant. Cum enim Matthias Cæsarem fratrem jam ætate provectum absque liberis cernens, ne eo defuncto tumultus ac dissensiones in Pannonia ac Bohemia orirentur, veritus, eorum regnorum successorem declarari se petiisset; idque nulla ratione obtinere posset; ex Austria & Hungaria coactis copiis, in Bohemiam ac Moraviam penetravit; Jarvarinensem ac Vesprivensem Episcopos ad Cæsarem misit; qui, quoniam inclinata jam ætate, neque par tot laboribus sustinendis esset, regni Bohemici successorem se deligi peterent. Id cum certis conditionibus, quæ sibi minus placerent, ab ordinibus impetrasset; vi Pragam aggredi statuit. Cæsar interea cuncta ad defensionem comparabat, ac repente milites colligebat; verum gregarios homines, qui ab aratro ad signa tumultuarie evocabantur, cum in fratris exercitu viri Pannonico bello exerciti, laboribusque durati invenirentur. Quotidie classicum personabat; ancipiti Marte nonnunquam certabatur; Hungari Bohemos lacebabant, ut Praga urbi obsessæ haud dissimilis videretur. Philippus Hispaniarum Rex ac Septemviri Electores conciliare dissidentes fratres nituntur. Ut majori auctoritate negotium ageretur, præter ordinarium Internuncium, Cardinalem Joannem Garziam Melinum, Legatum in Germaniam Pontifex mittit; qui antequam Pragam pervenisset, concordia iis conditionibus sancita fuerat: Cæsar senectutem variasque curas, quibus Imperii moles nutabat, causatus, Matthiam fratrem utriusque Austriæ supra atque infra Hensam annem vicarium creavit: quidquid juris in eo obtineat, ei masculisque filiis cessit: regno Hungarico penitus se abdicavit, sacramento subiectos exolvit: Matthiæ inaugurationi adensus, auxilia ad Turcas coercendos, regnique limites tutandos pollicitus

Matthias
Austrius
milites cogit
Et a Cæsare
Bohemici
regni succes-
sionem pe-
tit.

Melinus
Cardinalis
a Pontifice
in Germa-
niam mitti-
tur.